

清 脚

夜 氣

錄 集



Z121

1
:2879 清

60580

夜

錄

俞文豹
撰

中
華
書
局

叢書集成初編

清 夜 錄（及其他一種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷
一 九 九 一 年 北 京 第 一 版

開本：七八七乘一〇九二毫米 三十二分之一
統一書號：ISBN 7—101—00894—1/K·367

清
夜
錄

此 據 歷 代 小 史 本
影 印 初 編 各 叢 書
僅 有 此 本

歷代小史卷之五十

清夜錄

朱俞文豹撰

東萊先生註觀瀾文謂後赤壁賦結尾用韓文公石鼎聯句叙彌明
意文豹謂不然蓋彌明真異人文公真紀實也與此不同金剛經
曰一切有爲法如夢幻泡影東坡先生貫通內典深悟此理嘗賦
西江月云休言萬事轉頭空未轉頭時皆夢赤壁之游樂則樂矣
轉眼之間其樂安在以是觀之則我與二客鶴龜道士皆一夢也
王夕郎信寧制誥辛宗覽之曰近日誥詞全似啓事溢美太甚卿甚
得體文豹謂其弊始於用四六也詞臣又欲因此結知務諛悅而
極工巧拘平仄而捉對偶無復體製開慶元年丁相大全當國江

鄂二郡守創例每一漁船日輸五十魚人不堪命遂渡北兵入寇
鄂渚八月起舊相吳履齋宅左揆直院洪魯齋片草麻制中間云
予方重宵衣之憂汝不以晝錦爲樂入趨延英之召亟奉天章之
咨惟事務之孔殷顧弊源之滋甚邪不可以干正而君子小人之
界限未明戎不可以亂華而內夏外夷之名分未肅士氣抑鬱而
弗振民力殫弱而莫紓在廷紐於意見之偏在邊玩於守備之弛
常饋以歎濟川其誰遣大投艱孰念數寧之計任重致遠實維弘
毅之賢云云於戲詩有天保采薇當厲修政懷夷狄之志道在中
庸大學尚明治國平天下之經予欲祈永命改廸予欲康庶事汝
爲惟至忱足以感動神明惟太公足以信服中外緊我耆俊毋煩
訓詞細觀此制詞情懇到句語坦明不拘平仄對偶宜得制誥体

魯齋乃容齋先生嫡派然前輩四六多喜推故事如先生草吳璘
開淮渠獎諭云刻石立作三犀牛重見離堆之利渡波誰云兩黃
鵠詎煩鴻卻之謠蓋用杜詩石犀行翟方進開陂事事雖切但非
制誥體看坡公制誥用故事明白敷暢

開慶元年冬李松壽寇連水軍帥閻遣毛興將兵禦之興有壻爲松
壽用以書來欲且置此軍以靖邊侯鄂寇平再取之并餽銀二笏
興曰奉命出戰而縱敵棄地何辭以班師乃請益兵會制帥趙節
齋病不報興遂死之而失此軍尋雖再歸疆而亦失一良將帥

宣和七年預借元宵時有謠詞云太平無事四邊寧靜狼烟渺國泰
民安謾說堯舜禹湯奸萬民祖望彩都門龍燈鳳燭相照只聽得
教坊雜劇歡笑美人巧寶籙宮前呪水書符斷妖更夢近竹林

深處勝蓬島笙歌闌索吾皇不待元宵景色來到只恐後月陰晴未保淳祐三年京尹趙節齋與竹預放元宵十二日十四日諸巷陌橋道皆編竹爲張燈之計臣僚劄子引此詞末二句爲次年五月五日金入寇之讖十五日早晨遂盡拆去

范文正公鎮錢塘兵官皆被薦獨巡檢蘇麟不見錄乃獻詩云近水樓臺先得月向陽花木易爲春公即薦之

太宗子元儼有盛名號八大王有人入蜀謁張忠定公投叅政書公納之袖中無語次授丞相書亦如前及授八大王書公曰真摺鼻曹翰貶汝州有中使來翰泣曰衆口食貧不能活以祇封故衣一包質十千中使回奏之太宗開視乃一畫障題曰下江南圖惻然憐之召還

哲宗朝謝惇試賢良方正賜進士出身惇辭免云勅命未敢祇受乃以抵爲祇以授爲受劉安世奏曰唐有伏獵侍郎今有抵授賢良詹義登科後解嘲詩云讀盡詩書五六擔老來方得一青衫佳人問我年多少五十年前二十三

溫公一日過獨樂園見創一厠屋問守園者何從得錢對曰積遊賞者所得公曰何不留以自用對曰只相公不要錢

孔子問漆雕期曰子事

臧文仲武仲孺子容三大夫執賢對曰武仲臧氏家有守龜名蔡文仲三年爲一兆

三年爲二兆孺子容三年爲三兆三人之賢不賢所未識子曰君子哉漆雕氏言人之美也隱而顯言人之過也微而審余每觀此言未嘗不擊節歎服蓋卜以決疑不疑何卜行已也正捫心無慊何以卜爲三大夫皆所事何敢以家臣而議主君之賢否但觀其

卜龜之繁簡則賢否較然矣

嘉定間荆天文以課狀一軸投史衛王當時亦不暇看及羅日愿之變夜在內書院沉思籌度開行過書架邊信手拈一卷及其課狀開至後則羅日愿及其黨姓名以至敗獲至斷日分地所歷歷該說明白呼來見其藍縷因問其家有何人對曰有老妻及兩男一女遂以百千兩謝遣之歸語其妻曰若再來喚我時斷是一死後羅日愿平定後再呼之至則授以袂封一盒戒曰到家方可開及開乃官誥二道省劄二紙補二子充天文官銀一笏爲女兒嫁資其夕一中而殂今靈臺卽同知筭造荆執禮是也

豪傑之士所在有之然豁達大度必如漢高祖英武大志必如唐太宗則能使之聞風作興否則雖楚有材晉實用之或反爲吾國之

患燕不能留樂毅而毅為趙用魏不能用范雎而雎為秦用晉不能致王猛而猛為苻堅用後唐不能任韓延徽而延徽為契丹用蓋必有非常之主而後能用非常之人駱賓王作復唐祚檄曰一抔之土未乾六尺之孤安在武后覽之曰宰相之過也安有如此材而使之流落不偶耶

慶曆間華州士人張元昊累舉不中第落魄不得志負氣倜儻有縱橫材嘗薄遊塞止觀覽山川有經略西鄙意雪詩云戰罷玉龍三百萬敗鱗殘甲滿天飛又鷹詩有心待擲月中兔更向白雲頭上飛欲謁韓范二帥耻自屈乃刻詩石上使人拽之市而笑其後二帥召見之疇躇未用間已走西夏與襄貲謀抗朝廷連兵十餘年文豹聞秦檜當國時有士人假其書謁揚州守守覺其偽以白金

五百兩繳原書管押其回秦接見之即補以官資或問其故曰有膽敢假檜書者不以一官束縛之則北奔胡南走越矣觀秦此舉加韓范一等矣淳祐十二年朝廷以京學游士挑撻不絕盡行放逐頗聞其間亦有張元其人至心仁厚意防弘深開慶元年各盡照舊例放之恭供夫學校所以養士科舉所以取人而豪傑之士則非二者所能牢籠全在君相羅之於法度之外也

淳祐十二年六月武學列劄為同舍求棺本京尹余大監晦差都轄院長伍作十四五人突入搔檢揭帛裂衣暴露兩日齋眾同太學宗學伏闕上書不報各捲堂散去司業蔡久軒抗申朝廷乞罷余太監以謝諸生罷抗以謝京尹余帥密表奏陳隨往見執政至通江橋聞大諫葉大有察院蕭秦來再有按章即就出浙江亭呼吏

結案正財賦出榜云當職蒙恩權領京尹凡五閱月一毫不敢妄
支今當丐去就撥官會一百萬委陳府判照甲牌俵散以表賑卹
之意當日過江司業亦出門有旨勸諭諸生歸齋文豹謂汲黯開
河南倉賑飢民且伏矯制之罪天府非外郡北府庫皆天子之府
庫人民皆天子之人民京尹特攝行其政令小事則專達大事則
奏聞雖蠲放餽金亦出於朝旨況百萬賑濟乎罪去復輒擅出官
庫錢出榜差官幾於無君矣又軒家建寧朱文公之高第西山先
生元定之孫九峯先生沉之子淳祐間持憲浙東師幹項廷增挾
去相游克齋書求京削誥以來春俄而克齋卒項亦無復季札掛
劍之望明年正月入爲大司成首致克齋之奠以此削白之而後
發寶祐丙辰簽書樞密院事數以議論不合翩然高舉

涪州紘渴王庭王唐珪初締葉氏姻入太學後結婚女微跛而又承
虛筐公姑銳欲出之庭王過庭祈請謂婚姻前定罪非七出何敢
爲此薄德事越三年登科生三子皆競爽鄉曲高其行義稱為厚
德之家開慶元年九月辟授天府帥機

東坡先生嘗偶遇坐客行一令以兩卦名證一故事一人云孟嘗門
下三千客大有同人一人云光武兵渡滹沱河既濟未濟一人云
劉寬婢蔑汚朝衣家人小過先生云牛僧孺父子犯罪先斬小畜
後斬大畜蓋為荆公父子發也

胡文定公安國言自古盛王雖用文德必有親兵專掌宿衛成王即
政周公損虎賁與常伯同戒於王欲其知恤虎賁者猶侍衛親兵
也康王初立大保伴齊侯呂伋以虎賁百人逆於廟門呂伋者太

公望之子也自諸侯入典親兵猶今殿步馬軍都帥也勲德世臣
總司禁旅虎賁衛王宿衛王宮其為國家慮深矣宋朝法前代命
三衛分掌親兵正為強本弱支消患預防之計文豹見朝廷自淳
祐中邊遽稍稀不為遠慮軍政日弛兵額日虧殿步戎旅稀疎已
甚及寶祐以來北兵寇蜀又未免定內事外至調閩浙諸郡兵而
每郡率不過三五百人而已今春姚給事希得附奏云朝廷近調
江淮一萬三千人赴上流僅取都吏姓名曾未有即日就道者軍
將稀留在所必誅也而朝廷乃倥偬他務視此為萬事中之一事
若有若無且作且止是必待閉城門而後開言路見胡騎而後括
金銀也竊怪今日合三衛與東南之兵猶調遣不應蜀之見兵僅
八千人虜入動數萬其何以支若以招兵易養兵難臣則有傾國

力一策范鎮曰欲備雲南莫若寬兩河之民今朝廷若只欲取辦於諸閭閻又不過取辦於民民力竭矣臣謂今牙契一局及江水分司歲可得三千六百餘萬即可養六萬兵歲幣銀絹歲二十萬匹兩本以和虜今既不用即可養一萬兵內帑六設本以備邊金帛充斥歲絹二十萬即可養一萬兵不知朝廷吝此何為商亡而廉臺在秦亡而敖倉在漢亡而西園在隋亡而洛口在適足為寇資爾文豹謂上在位日久明習國家事條戎備預切非所吝皆當國者無遠略故玩安忽遠苟且歲月耳開慶初元鄂廣繹驤廩佐軍需犒將士資帥閫銀楮動百千萬計以至省賦歛蠲逋負釋禁錮弛繫囚出宮嬪收游士皆出聖意也

范文正公欲求退子弟請治屋宅園圃公曰吾死無幾何暇為此西

都園林相望孰障吾遊豈必有諸已乃為樂乎有俸賜止賜宗族
及歸姑蘓日有絹三千匹盡散與閭里親族朋舊曰親族鄉里見
我生長切學壯行為我助喜何以報之祖宗積德百餘年始發於
我今族衆皆祖宗子孫我豈可獨享富貴乃置田數千畝為義莊
贍會族公子忠宣公純仁為相四世孫成大又叅大政至今范為
吳門名族今士大夫於親族發一書判一狀猶靳焉又況莊乎然
以忠宣公之盛德晚乃喪明常令其甥司馬朴扶行斯人也而有
斯疾也

靖康元年冬都城受圍四十餘日易子而食有以子肥瘦不等而爭
訟者富人貴戚以雀鼠貓犬為佳味相送惠正月朔五日方開門
徽宗在藥珠宮早膳李石周誚吳玠莫俦入言金人請上出郊議